



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS  
*manè discutienda, in Scholis Medicorum, die Lunæ nono Martii*  
anni M. DCC. XXXIII.

M. PETRO MALOET, Regis Confiliario & Medico ordinario,  
necnon Domûs Regiæ Invalidorum Ducum & Militum, Academiæ  
Scientiarum Regiæ Socio, Doctore Medico, Præside. *Autore.*

*An à Tabaco naribus assumpto, peculiaris quedam Cephalalgia species, aliique affectus?*

I.



OMO solus inter animantes rationis capax,  
*Scilicet ut possit curvo discernere rectum.*

*Et quæ sit natura boni summumque quid ejus,*

à rectâ ejus viâ sæpius aberrat, quippè naturam fortitus est (contrâ  
quam mos est his) illi dissidentem, sic ut cum eâ luctari non desinat, sexcen-  
tis in casibus justo nequeat iniquum secernere, hocque illi anteferat, hinc apud  
dictum.

*Pauci discernere possunt*

*Vera bona atque illis multam diversa, remota*

*Erroris nebula.*

Neque in cogitatis tantùm à ratione alienus persæpè est, sed & plerumque in desiderijs, cæteris-  
que animi moribus; quid enim timet aut cupit ratione? quem majora non movent pericula, le-  
vioribus expavescit; ab araneâ turpi, ridiculo mure; alioque vilissimo insecto meticulosus, in-

structas acies impetit, ac si stygiis undis immerfus fuisset, aut ejus pectore ægis federit, seseque bellicis objicit tormentis, veluti arma à Vulcano fabricata gestaret. Dissociabilis Oceani fluctibus, quo nequicquam abscedit prudens Deus terras, non terretur, audacesque ædificat carinas, qui mortem in rivulo, ipsius formidine, nanciscitur: nec cum æquo solum certant hominis judicæ aque cupidines, sed & illa & ipsemet secum: nihil illi tanti est quam vivere, valere, liberum esse, delectari, horum tamen nullam plerumque habet rationem, nec se ad illum metuit, quem hæc dedit modum, posuitque, & morti, mobo, servituti, dolori, quæ summè detestatur, levidens sæpè munusculo se dar obviu, lymphato proximus, aut tanquam floccificaceret; adeo secum pugnantia frontibus componit adversis: quidquod hocce præclarum rationis donum, quo nihil obstante maxima hominum pars viciis gaudet constanter, in eorum excidium, ex malo usu, quandoque vertitur, nempe est ubi, quæ illorum saluti præest, hæc eos agat in pericula præcipientes, eorumque res non magis sint in vado quàm cum illa feriat, testes sunt in sublimi loco constituti, ex solâ periculi imagine in casum proni; testantur, quibus tot submerguntur homines, vada, pede quæ dextro transiliunt bellæ, Naturâ viam monstrante, rationis incognitam; testes *somnambuli*, qui salvi & incolumes loca anfractuosa & vigilantibus vix adeunda, pertranseunt, in quibus expecti pereunt.

## I I.

**F**OLIO quod rapit ventus capitur divinæ aurtæ particula, stipulæq; sicca tenetur; Supremi scintilla Numinis, hinc oblectamenta, delicias, solatia petit animal dote rationis superbum, in eo summum tantum non colloca bonum; heu miserum! cujus solamen, vapor; recreatio, fumus; voluptas, pulvis: inque dies ultra eò miserius, quò ludum insolentem pertinacius ludens, plurius has emit, in quibus totum est, nugas, quibusque non impunè detinetur: sumum illum sæpè membrorum excipit damnum, in hoc pulvere latent malorum irritamenta, apertam sævis in rabiem vertitur jocus, in jugum ludus, delectatio in morbum, culpamque comes premit poena.

## I I I.

**N**ASUS primum spiritus organum, odorum sedes, arbiter & judex candidus, dum sui juris est; pulmonum, stomachi, cordis, cerebri ipsius excubitor sagacissimus, magno cum apparatu fabricatus, variisque partibus instructus quarum externæ aliæ, aliæ internæ; inter externas numerantur radix, fornix, dorsum seu spina, latera nasi aut fornicis, orbiculus, alæ sive pinnae, nares externæ, subseptum, quæ omnia diversis partibus, ossibus, cartilaginibus, periosleo, perichondrio, cuticulâ, cutē, membranâ adiposâ, glandulis, &c. compinguntur. In internarum censu sunt nares interiores, seprum, anfractus, tum superiores cum inferiores conchæ, posteriores nares, frontales, maxillares, sphenoidales sinus, lacrymales ductus, palatini, quibus omnibus quæ pituitaria audit communis est membrana, quæque singula nervis, arteriis, venis, vasisque lymphaticis adornantur.

## I V.

**Æ**NEA illi erat frons, qui primus etiam fragiles commisit pulveri partes; hæ insensibilibus odororum effluviis dicæ, fibrisque facillè mobilibus donatæ, animæ gratas vel ingratas eorum odoratorum affectiones brevi nuntiant: qui verò crassi insultus sustinebunt pulveris? Quos motus edent ab acerbis ejus partibus læscere? Quibus spasms corripientur à corrosivis ejus salibus vellicæ? In quos incident ataxias ad eorum spiculis impetite? Maxime postquam in variis nasi anfractibus, meandris & sinus, atque inter istos in frontalibus, quos propter sitas directionem facillè subit, quibusque præ exitû angustia difficulter ejicitur, corruptelam & putredinem cum morâ contraxerit: proritat à salinis hujus herbæ particulis hos sinus vestiente membrana, molesta excitabitur sensatio, seu dolor gravativus, simplicis doloris capitis nomine veniens, sed caracteris singularis & nasi radici atque superciliis respondens, quem frequenter experientur qui plus æquo naribus indulgentes, plurimum ducunt tabacum, sincerumque nasum incutunt, quemque falsò calvaria penetrabilibus rudis plebecula vero diffidens, & cerebri meningibus medicorum vulgus adscribit; nullus quippè è nasi gyris ad corporis metropolim pater aditus, impervio ethnoideo osse, pluribus licet perforato poris, qui mammillarium processum, primum nervorum par constituentium fibrarum fasciculis, duplici involuco à cerebri meningibus mutuo, & cuilibet proprio circumscriptis, penitus obturantur & opplentur, sic ut nulla liquoris etiam subtilioris transitus ex intimis calvaria aditus ad nasum, & vicissim superfit via; Eo ferociæ quan-

doque progreditur supradictus dolor, ut immanes vomitus ex eo ortos, ventriculo in consensum, laudatorum sinuum membranae vellicatione tracto, non semel viderimus, de illo conquerentes multos advertes, paucos genuinam sed placentem causam accusantes, ferè nullos huic valedicentes.

V.

**D**UPLICEM Mortalibus pulverem intulit ætas posterior, alterum, pyrium dicam an stygium; utpote è faucibus orci eductum, quo immaturo cedunt fato, quemque in nepotum perniciem, & sui ævi opprobrium, impius manu sacrilegè malique arte produxit Mylla, in propriâ pelle non quiescens; alterum nefasto barbaris egentibus die, insaultaque avi advectum, quo nova morborum semina his pullularunt terris; hóc iste nocentior, quòd eo armatas quisque sibimet ipsi manus injicit incontinentes (altero patriæ hostibus reservato) quodque in amicitia pignus caris etiam capibus offeratur, atque immeritis intrudatur organis; hæc ad lymphæ dulcis excretionem, gratis odoribus exticipiendis, suavique halitui admittendo, emittendoque à Naturâ comparata, nunc suis functionibus destituta in vilem sentinam atro conspurcatam nauco, virosam spirantem odorem, tetram exhalantem mephitim, foetidumque humorem aspectu foedum perpetuum stillantem mutantur, nasus dicitur an ulcus? hinc etiã in nasutus subsequitur odoratus abolitio, velut iis nullus foret nasus, & in flore tantum in propectâ ætate, madidi conspicitur nasi infantia, quâ visâ nemo est qui hæc in ore aut in mente non habeat.

*Iam gravis es nobis & sæpè emungeris; exi  
Oculus & propere.*

Inter hæc crasso oppletis pulvere narium ductibus, gravedo inducitur molestia, & nativum indeficientis atque ad vitam necessariae respirationis iter præpeditur, sicque natura ipsa invertitur, ut postmodum nisi ore aperto & hiante, non sine ariditatis in lingua & imis faucibus sensu, dentiumque damno, hæc peragi non possit, aut anhelis similes, vigilantia stertant naso, noctesque ducant insomnes: nec ejus limitibus coercetur damnosus hujus muneris labes, sed quascumque vicinas partes adoritur: per posteriores delabens nares isthmo, importunum acrimoniae sensum insert, gargareum vellicat undè nausæ, vomitiones, & alimentorum reditus post passum frequenter, iis qui languidus putant epulas, nisi quâ mensurâ se cibis vinoque ingurgitant, eadem nasum infarciant, ut nihil gustent omnino, quod non affluit, astris serpentibus pejor anhelitus illo gravis pulvere; laryngis quoque oras stimulat foeda hæc illuvies, atque etiam in ejus canalem (si exactè ab epiglotide non elaudatur, quod sæpius accidit) irrepens illius tunicam interiore irritando importunas accersit tussis, hinc videas hominibus, cætera sanis, vel uno Nicotianæ pugillo succuti thoracem velut *Cucullio* Morbo, heu nimis his temporibus sævientia correpris: ad hæc ad palatum vergens puros salivæ fontes contagio inficit, & qui serosus latex recrementum erat salubribus usus destinatum, saporis & odoris experts, eorumque vehiculum, noxium putidumque fit excrementum, actutum & perpetim eliminandum, hinc

*Longa manantia labra salivâ,*

Perpetuæque sputatio (velut pyralismo & hydrargyrosi tentatis) quâ horrendus visu & ad atram fuliginem accedens properat ichor marmoribus, phytiscorum amulus, ætatemque intestino ferit luto. **Quo**

*Quilibet adfians*

*Nausæat, atque oculis bilem substringit operis.*

Sin retrocedant hujus luxuriæ sordes & ad gulam tendant, quem tumultum stomacho ferent si Oesophagum præterlabentes ad illum pervenerint? cum percellendo singultus, cardialgiaeque provocant; in hujus verò fundo congesta lenta hoc cæno pituita anorexias, magnæque mover fastidium: quos porro vomitus ciebit nerveam ejus tunicam pungendo, grave hujus pulveris virus, vim etiã emeticam exerens omni moelico potentior, quam in desperatis apoplexiis, conclamatis ægri rebus, frustra adhibitis reliquis prædiis, periclitari vix audent prudentes Medici, & quæ clysmatis formâ spasmos edit, iis quos excitat sibiham etiam ore assumptum vividiores: ulterius flexuosos intestinorum gyros decurrens, vasorumque lacteorum oscula pervadens, quas tragædias ager, cordis thalamos subeundo, pulmones permeando? Hos premit, venenat illud morsu, hinc palpitationes, lipothymie, pectoris angustie frequentes; quoniam verò venis nihil nisi lene committere decet, quas perturbationes excitabit causticus ille pulvis cruori affusus, nervosque generi instillatus? hinc occupat tremor artus, linguam balbutis: huc refer morbos majoribus nostris inauditos, ægris cruciatus, Medicis negotia labelescentes; ad cerebrum delatus caput inebriat, spiritus obrundit, vertigines gignit, memoriam labefactat.

*Inde animi caligo & magna oblivio rerum.  
Quas modo gessisti.*

4

In aures ipsas, Eustachianâ favente tubâ, aquæ ductu perperam dictâ, è faucibus irrepens autium tinnitus parit, bombolque: nec parit oculis lethiferum hoc donum, sed quandoque per lacrymalem ductum, è naribus madidâ tinctis fuligine, ad eos elewantur ejus particulae, quos morsu fatigant suo, caligines inducunt, lacrymasque eliciunt meliore causâ dignas, & acre producent poscat & senectæ fidele corpus? quâ igitur Tisiphone, quibus colubris exagitantur, quove mentem concussu malo hi quibus posthabita valetudinis curâ; vivendi causâ in solo est naso, illumque ne momento sinunt esse vacuum, cum Peti pugillus pugillum, velut unda undam supervenit: nempè,

*Dedit hanc contagio labem,  
Et dabit in plures, sicut grex totus in agris  
Unius scabie cadit & porrigine porci.*

Sic tantum ut inter pruritus è millibus vix unum reperias, hac contagio immunem, illosque numerus deffendat; nam gaudet his plebecula, verum jam quoque ad nares equitum migravit hæc voluptas; quin speciei & formâ præstantem sexum invaserunt hæc deliciae, licet plus aloes quam mellis habeant, suisque illecebris allexerunt, hinc passim cernas vultum modesto ferventem sanguine, quem illi manu largâ benigna tribuit natura, decoris sedem atque pudoris, qui ei dos est optima, squalidum, situ oblitus, & Athletarum aut gladiatorum in modum inverecundo & indecoro sordidum pulvere, quem jurat collegisse, quoque se ornari (ut nunc sunt mores) & putant & gloriantur; sed nubem pro junone amplectuntur, & quam longè errant, cordatorum quidem sententiâ clamantium,

*O qualis facies & quali dignâ tabellâ.*

Ast inquirunt, hoc salutiferum terræ munus,

*Avertit morbos, metuenda pericula pellit.*

Illo efficacia erethini succedaneo pulvere, noxiâ redundanteque pituitâ expurgatur cerebrum, vitiosis humoribus liberatur. Maximè.

*O medici mediam petundite venam.*

Quasi in statu sano, princeps corporis pars, animæ sedes purgatione indigeat, impurisque humoribus scateat, puriorum sanguinis partium, spirituum putâ sors & scaturigo, aut prisca illa de cerebri emuntoriis dudum non explosâ fuerit opinio: æge verò quandoque infirmo fluit utilis capiti humor nicotianâ elicitus, cuique molesta est pituita, aut multo maxima hellebori danda pars; at an in eo ducendo nullus est modus, nullusque finis esse debet, velut foret tribus Anticyris caput insanabile, an agyrtarum panaceam æmulans omni congruit ætati? nulli non conducit temperici? utrique sexui competit hæc planta, quascumque ægritudines debellarura præsentis, futuræque & imminentes amolitura? nonne potius vitæ illuditur, hac effrenatâ nares obliptandi licentiâ, pulverisque exotici abusu, quo, facto agmine, omne morborum genus circumfluit, quos inter dolore capitis imam coronalis ossis partem obsidente, sinusque frontales occupante, frequentior nullus occurrit.

*Ergo à Tabaco naribus assumpto, peculiaris quadam Cephalalgia species, aliique affectus.*

Proponebat Parisiis JACOBUS-FRANCISCUS VANDERMONDE,  
Landracenus, Baccalaureus Medicus, A. R. S. H. 1733.  
à sextâ ad meridiem.